



Број/Број: 03/1-50-1-7-6а/09  
Сарајево/Sarajevo: 2.2.2009.

**Članovima Zajedničke komisije:**

**Šefik Džaferović, Vinko Zorić, Drago Kalabić, Mirko Okolić, Jozo Križanović, Sulejman Tihiić, Hazim Rančić, Branko Zrno, Ivo Miro Jović, Dušanka Majkić, Slobodan Šaraba i Adem Huskić**

**PREDMET:** Informacija o održanom sastanku s generalom Sabatom Erricoom, komandantom Štaba NATO-a u BiH  
Veza, akt broj: 03/1-05-38/09

Branko Zrno, predsjedavajući, Šefik Džaferović i Slobodan Šaraba, zamjenici predsjedavajućeg Zajedničke komisije za odbranu i sigurnost BiH, ( u daljnjem tekstu:ZK), razgovarali su u Sarajevu, 2.2.2009., s komandantom Štaba NATO-a generalom Sabatom Ericcoom.

Uz navedene učesnike, sastanku su prisustvovali i: Dragica Hinić, sekretar, Željko Grubešić, stručni savjetnik, Lejla Dizdarević, savjetnik komandanta Štaba NATO-a, i Rohan Maxwell, predstavnik Ureda političkog savjetnika Štaba NATO-a u Sarajevu.

U uvodnom dijelu Branko Zrno upoznao je goste s aktivnostima ZK, njenom saradnjom s Glavnom komandom NATO-a u Briselu i Štabom NATO-a u BiH.

Posebno se osvrnuo na:

- praćenje aktivnosti u vezi sa slanjem pripadnika OSBiH u mirovne misije NATO-a,
- pronalaženje hitnog rješenja za popunjavanje Misije BiH pri NATO-u u Briselu,
- rješavanje problema za viškom municije i naoružanja,
- praćenje i nadzor nad utroškom budžeta za potrebe sektora odbrane i sigurnosti.

General Sabatto u svom obraćanju istakao je da je upoznat s aktivnostima ZK. Prema njegovim riječima, Bosna i Hercegovina predstavlja velikog i odlučanog partnera za NATO. Izrazio je veliko zadovoljstvo NATO-a rezultatima reforme odbrambenog i sigurnosnog sektora u BiH, kao i programima koji se realiziraju kroz program Partnerstvo za mir, posebno naglašavajući obaveze u realiziranju IPAP-a (Individualni partnerski program), PARP-a (Program revizije) i stvaranje uslova za realizaciju MAP (Akcioni plan za članstvo).

Od bh. vlasti NATO očekuje pronalaženje konačnih rješenja pitanja vezanih za pokretnu i nepokretnu vojnu imovinu, te očekuje angažiranje Oružanih snaga BiH u misijama NATO-a, posebno misiji NATO-a u Afganistanu.

Zaključeno je da veoma dobre odnose ZK, NATO-a i Štaba NATO-a u BiH treba i dalje osmišljavati kroz realizaciju programa koji će dati rezultate kao što su dali reformski procesi u sektoru odbrane i sigurnosti.

Na kraju susreta dogovoreno je da se komandant NATO-a u BiH i članovi Zajedničke komisije sastaju periodično s ciljem razmjene iskustava i informacija o aktivnostima ZK i sektora odbrane i

sigurnosti u BiH, kao i Štaba NATO-a u BiH. U tom smislu naredni sastanak trebalo bi da bude održan, zavisno od obaveza, tokom narednog mjeseca.

Predsjedavajući  
Zajedničke komisije  
**Branko Zrno**